

КЎРСАТИЛГАН ХИЗМАТ БЎЙИЧА

“28” 02 2022 йил ШАРТНОМА №232/22

Термиз шаҳри

“HUDUDGAZ SURXONDARYO” газ таъминоти филиали низоми асосида фаолият юритувчи бош директори **М.А.Мансуров** (кейинги ўринда “Буюртмачи” деб номланади. бир томондан ва иккинчи томондан “AZIA EKO-STROY” МЧЖ Низоми асосида фаолият юритувчи директори **И.Н.Тошпулатов** кейинги ўринда “Бажарувчи” деб номланувчи ушбу шартномани қуйидагича туздилар.

1. Шартнома предмети

1.1. “Бажарувчи” Etender.uzex.uz портали орқали берилган №32168 лот рақамли шартнома расмийлаштирилган санадан бошлаб “Буюртмачи” нинг маъсул мутахассиси томонидан белгилаб берилган замонавий газ ҳисоблаш ускуналарини **Сурхондарё** вилояти аҳоли хонадонларига комплект ўрнатиш ишларини бажаради.

1.2. “Бажарувчи” “Буюртмачи” нинг ва унинг вакилининг топшириқ ҳамда буйруқлари ижросини сўзсиз таъминлайди.

1.3. “Бажарувчи” бажарилиши лозим бўлган ишнинг лозим даражада бажаришга тўсқинлик қилувчи омиллар, юзага келиши мумкин бўлган авария ҳолатлари, “Бажарувчи” нинг иш жараёнига хавф солувчи вазиятлар хусусида “Буюртмачи” ни ва унинг вакилини зудлик билан хабардор қилади ва камчиликларни бартараф этиш чораларини кўради.

1.4. Мазкур шартнома шартлари “Бажарувчи” томонидан ҳар ойда (кунда, ҳафтада) бажарган ишларни «Буюртмачи» га ёки унинг қонуний вакилига ёзма ва ёки электрон шаклда ва бажарилган ишлар ҳақида имзоланган далолатнома (бажарилган иш (хизмат) далолатномаси) топширилган тақдирда ҳамда ушбу замонавий газ ҳисоблаш ускуналарини интеграция қилиб “АСКУГ” дастурига киритилгандан сўнг бажарилган ҳисобланади.

1.5. “Буюртмачи” эса бу ишларни “АСКУГ” дастурига киритилганлигига қараб қабул қилиб олиш ва унга ўрнатилган тартибда “Бажарувчи” га хизмат ҳақини ўз вақтида ва тўлиқ миқдорда тўлашни ўз зиммасига олади.

1.6. “Бажарувчи” барча меъёрий ҳужжатларини тизимли ўрганиб боради ва уларга қатъий равишда риоя қилишни таъминлайди.

1.7. Иш вақти тарафлар келишувига кўра қатъий белгиланмаган.

1.8. “Бажарувчи” томонидан “Буюртмачи” нинг ишларини бажарганлиги бўйича Ф-3 шаклида далолатнома тузади ва ушбу далолатнома аниқ ҳисоб китобларга таянган ҳолда объектда сарф бўлган материаллар бўйича аниқ кўрсаткичларда объектнинг жойига борган ҳолда улчов ишларини амалга ошириб филиалнинг “Қурилиш ва таъмирлаш” бўлимига тақдим этиб боради ва ушбу ўрнатилган газ сарфини ҳисоблаш ускуналарини ўрнатишда сарф бўлган

материаллар далолатномада кўрсатиб ўтилганига мос бўлишига бажарувчи жавобгар ҳисобланади.

1.9. Ишлар натижаларидан қониқмаган ва ишлар сифатсиз, белгиланган меъёр талабларига жавоб бермайдиган қилиб бажарилганда “Буюртмачи” далолатномани олган вақтдан бошлаб, 5 кун ичида асослантирилган ёзма равишда рад этиши мумкин.

1.10. “Буюртмачи”нинг рад этган ҳужжати асосли деб топилган тақдирда, “Бажарувчи” йўл қуйган камчилик ва нуқсонларни бартараф этиб, икки томонлама далолатнома билан расмийлаштирилади. “Буюртмачи” ушбу далолатнома тузилган кундан бошлаб 5 (банк иш) кун муддат ичида тўловни амалга ошириши шарт.

1.11. “Бажарувчи” нинг техника хавфсизлиги ва меҳнатни муҳофаза қилиш бўлими томонидан пайвандчи ва чилангарларинидоимий равишда рўйхатдан ва йўриқномадан ўтказишни таъминлайди.

2. Хизмат ҳақи ва ҳисоб китоб қилиш тартиби

2.1. Бажарувчи жавобгарлигида тақдим этилган Ф-3 шаклидаги далолатномаларни “Буюртмачи” вакили, яъни “Қурилиш ва таъмирлаш” бўлими ушбу далолатномани “Бухгалтерия ҳисоби бўлими”га тақдим этиб боради.

2.2. Кўрсатилган хизматлар бўйича далолатномалар тўлиқ расмийлаштирилгандан сўнг “Бажарувчи”га кўрсатилган хизматлар учун ҳақ банк ҳисоб рақамига ўтказиб берилади агарда ушбу хизмат турларини бажариш учун бажарувчи буюртмачининг материалларидан фойдаланган ҳолда амалга оширса ҳисоб китоблар вақтида буюртмачи томонидан тақдим этилган материаллар нархи бажарилган ишга нисбатан тўлаб бериладиган пул маблағларидан чегириб қолинади.

2.3. “Буюртмачи” “Бажарувчи”га ҳар бир ўрнатилган замонавий газ ҳисоблаш ускунаси (регулятор)комплект (химоя кутти) ўрнатиш шарти билан турар жойлар **ҚҚС билан 120 909 (Бир юз йигирма минг тўққиз юз тўққиз) сўм** тўлайди, мазкур шартнома бўйича бажарувчи томонидан **Сурхондарё** вилоятида **10000** дона электрон газ сарфини ҳисоблаш ускунасини ўрнатиш ишларини, танлов савдоси (тендир) натижасида аниқланган ва тендир комиссиясининг 2022 йил «28» февралдаги қарори билан тасдиқланган ишлар қиймати **1 208 090 000.00 сўм (бир миллиард икки юз саккиз миллион)сўм**

2.4. “Буюртмачи” томонидан “Бажарувчи” нинг кўрсатилган хизматлар бўйича ҳақи кейинги ойнинг 5-санасига қадар банк ҳисоб рақамига тўлов топшириқномаси асосида тўлаб берилади.

3. Тарафларнинг мажбуриятлари

3.1. Ушбу шартномада курсатилган томонларнинг мажбуриятлари бажарилмаган ҳолда жавобгарлик Ўзбекистон Республикасининг амалдаги қонунларига асосан амалга оширилади.

3.2. Ҳисоблагичнинг ўрнатиш вақтида электростатик зарядлардан ҳимояланиш чораларини кўриш.

3.4. Ҳисоблагични шундай ўрнатилиши керакки унинг ўлчов механизмидаги кўрсаткичлар бевосита осон ва қулай ўқиш имкониятини таъминлаш.

3.5. Ҳисоблагич индикатори деворнинг фасад қисмига тегиб турмаслигини таъминлаш, Ҳисоблагич фақат вертикал ҳолатда ўрнатилишини таъминлаш.

3.6. Табиий газ қувурларини улаш ва пайвандлаш ишлари тугалланмагунча ҳисоблагични ишлатиш (ўрнатиш) қатъиян тақиқланади.

3.7. Ҳисоблагичга газ қувурига механик куч таъсирлари (эгилиш, сиқилиш, чузилиш ва ҳк) кўрсатилмаслиги керак.

3.8. Ҳисоблагични ўрнатишда ҳисоблагичнинг кириш ва чиқиш қувурлари орасида жойлашган кўрсаткич, газ қувуридаги газ оқимининг юналиши билан мос бўлишини таъминлаш.

3.9. Ҳисоблагични хонадонда ўрнатиш вақтида ҳисоблагичга механик шкастланишлар етказилмайдиган жойларда ўрнатилишини таъминлаш.

3.10. Ҳисоблагични ўрнатиш ва фойдаланишдан олдин ҳисоблагич паспорти билан танишиб чиқиш.

3.11. “Пудратчи” ўзи ёки субпудратчилар томонидан объектни газ тармоқларига тайёр ҳолда улаш ишларида қўлланиладиган ўз ҳисобидан олинган қурилиш материаллари, асбоб-ускуналар ва бутловчи буюмлар, конструкциялар ва тизимлар сифати лойиҳа ҳужжатларида кўрсатилган спецификацияларга, техник регламентларга, стандартларга мувофиқ бўлишини ҳамда уларнинг сифатини тасдиқловчи тегишли сертификатларга, техник паспортларга ёхуд бошқа ҳужжатларга эга бўлишини кафолатлаш;

3.12. “Пудратчи” ушбу шартнома мувофиқ хизмат кўрсатишда техника хавфсизлиги талабларига риоя қилиши.

3.13. “Пудратчи” ушбу шартномада ёки норматив-ҳуқуқий ҳужжатларда назарда тутилган бошқа мажбуриятларни ҳам бажаради.

3.14. “Пудратчи” томонидан объект топширилгандан сўнг 6 ойлик кафолат муддат ичида бажарилган ишлар бўйича аниқланган нуқсон ва камчиликларни ўз ҳисобидан бартараф этиш;

3.15. Бажарувчи объектда ўрнатилган электрон газ сарфини ҳисоблаш ускуналарига сарф бўлган материалларни аниқ ўлчов ишлари орқали аниқлаб Ф-3 шаклидаги далолатнома расмийлаштирилади ва Буюртмачига тақдим этиб боради шунингдек ушбу объектда сарф бўлган қурилиш материаллари учун тузилган далолатноманинг объектда ўрнатиш учун сарф бўлган материаллар билан мос келишининг туғрилигига жавобгар ҳисобланади.

4. Тарафларнинг жавобгарлиги

4.1. Тарафларнинг ҳар бири иқтисодий фаолият билан боғлиқ расмийлаштиришларни соддалаштириш, баъзи масалаларни тезроқ ҳал қилишини таъминлаш мақсадида амалда коррупция ҳолатларини келтириб чиқарувчи тўловларни, воситачиликни тўлиқ тақиқланишини назарда тутувчи, порахўрлик ва коррупцияга нисбатан муросасиз муносабатда бўлиш сиёсатини олиб боришни тан

олишлари ва тасдиқлашлари, коррупцияга қарши курашиш бўйича амалдаги норматив-ҳуқуқий ҳужжатлар асосида ўз сиёсатини олиб боришлари.

4.2. Тарафларнинг, уларнинг ходимлари ҳар қандай шахсга (шу жумладан жисмоний шахслар, тижорат ташкилотлари ва давлат хизматчилари) коррупцион тўловларни (нақд пул ёки қимматбаҳо совғалар) таклиф ва тақдим этмасликларига ёки уларга розилик бермасликларига кафолат беришлари, шунингдек, ҳар қандай шахсдан тўғридан-тўғри ёки билвосита ҳар қандай коррупцион тўловлар (пул ёки қимматбаҳо совғалар) олиш, қабул қилишни маъқулламамасликлари.

4.3. Агарда тарафлардан бирига нисбатан унинг номидан ёки унинг фойдасига коррупция ҳолатлари аниқланган тақдирда, бошқа тараф шартномавий муносабатларни тўхтатиш.

4.4. Тарафлар мазкур шартномани бир томонлама қонунчиликда ўрнатилган тартибда бекор қилишга ҳақлидирлар, бунда бекор қилмоқчи бўлган тараф иккинчи тарафни 1 (бир) ҳафта олдин хабардор қилиши шарт. Ушбу муддат томонлар келишувига биноан қисқартирилиши мумкин.

4.5. Пудратчи томонидан шартномада белгиланган ишлар тўлиқ ва сифат бажарилмаган ҳолларда, шунингдек кечиктирилган ҳар бир кун учун мажбурият бажарилмаган қисмининг 0,5 фоизи миқдорида Буюртмачига пеня тўлайди, бироқ бунда пенянинг умумий суммаси бажарилмаган ишлар ёки кўрсатилмаган хизматлар баҳосининг 50 фоизидан ошиб кетмаслиги лозим.

4.6. Агар кўрсатилган хизматлар ва фойдаланилган материаллар сифати, ассортиментни бўйича стандартлар, техник шартлар, намуналарига (эталонларга) қонун ҳужжатларида ёки ушбу шартномада белгиланган шартларига мос келмаса, Буюртмачи ишларни ёки хизматларни қабул қилмаслиги ва уларнинг ҳақини тўлашни рад этиб, Пудратчидан сифати бўлмаган ишлар ёки хизматлар қийматининг 20 фоизи миқдорида жарима ундириб олишга, агар ишлар ёки хизматлар ҳақи тўлаб қўйилган бўлса, тўланган суммани белгиланган тартибда қайтаришни талаб қилишга ҳақлидир.

4.7. Бажарилган ишлар ёки хизматлар ҳақини ўз вақтида тўламаганлик учун Буюртмачи Пудратчига ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасини 50 фоизидан ортиқ бўлмаган миқдорида пеня тўлайди.

4.8. Томонлар мазкур шартномага биноан ўз зиммаларига олган мажбуриятларни бошқа томоннинг ёзма равишда огоҳлантирмаган ҳолда бажармасликка ҳаққи йўқ. Томонларга боғлиқ бўлмаган форс-мажор ҳолатлар вужудга келиши бундан мустасно. “Бажарувчи”нинг ушбу шартнома билан зиммасига оладиган вазифасини сабабсиз равишда бажармаслиги шартномани “Буюртмачи” томонидан бир томонлама бекор қилинишига асос бўлиши мумкин.

4.9. “Буюртмачи” ҳам “Бажарувчи” ҳам ушбу шартномада белгиланган мажбуриятларини тўлиқ ёки қисман бажармаган ҳолларда Ўзбекистон Республикаси қонунчилигига мувофиқ жавобгар бўладилар.

5. Тўлов ва Ҳисоб қтоблар

5.1. “Буюртмачи” “Пудратчи”га шартномада кўрсатилган умумий ўрнатилиши лозим бўлган ҳисобдонлардан 1500 (бир минг беш юз) донаси учун 15 фоиздан кам бўлмаган миқдорида аванс тўловини амалга оширади.

5.2. Ишларни бажариш муддатлари календарь куни билан белгиланади.

5.3. “Буюртмачи” ва “Пудратчи” ўртасида жорий молиялаштириш бажарилган ишлар счет-фактурага асосан аванс тўловини ҳисобга олган ҳолда амалга оширилади.

5.4. “Буюртмачи” бажарилган ишлар қисми бўйича тўловни “Пудратчи”га 20 банк куни давомида тўлайди.

6. Низоларни Ҳал Этиш Тартиби

6.1. Тарафлар ўртасида юзага келадиган барча низолар томонларнинг ўзаро музокаралар олиб бориш йўли билан ҳал қилинади.

6.2. Агар низоларни музокара йўли билан ҳал қилиб бўлмаса, улар амалдаги қонун талаблари асосида ўрнатилган тартибда Иқтисодий судларда кўрилади.

7. Шартнома муддати.

7.1. Мазкур шартноманинг амал қилиш муддати тугагач, тарафларнинг келишувига мувофиқ ўрнатилган тартибда шартноманинг муддати узайтирилиши ёки янги шартнома тузилиши мумкин.

7.2. Мазкур шартнома тарафларнинг ҳар бири учун бир нусхадан, бир хил юридик кучга эга икки нусхада тузилди. Ушбу шартномага барча қўшимча ва ўзгартиришлар, улар ёзма шаклга эга бўлиб, ҳар икки тарафнинг ваколатли шахслари томонидан имзоланган бўлсагина ҳақиқий ҳисобланади. Амал қилиш муддати “30” “декабр” 2022 йил

8. Шартнома тарафларининг манзили ва реквизитлари

Буюртмачи

“Hududgaz Surxondaryo” газ
таъминоти филиали

Манзил: Термиз ш “Камолот” 10 уй

Х/Р: 20210000405276475001

Банк: “Ўзсаноатқурилишбанк” АТБ

МФО: 01045

ИНН: 207325486

Тел.: (76)221-25-10,

Бажарувчи

“AZIA EKO-STROY” МЧЖ

Манзил: Сирдарё в. Ширин шаҳри,
Х.Дўстлик кўчаси, 1-даха 11 уй 19-
хонадон

Х/Р: 2020 8000 0052 9842 9001

Банк: АТБ “Агро банк”

МФО: 00383

ИНН: 307 673 717

Тел: +99891 500-38-88

«Hududgaz Surxondaryo» газ
таъминоти филиали директори



М.А.Мансуров.

“AZIA EKO-STROY” МЧЖ
директори



И.Н.Тошпулатов

Handwritten signatures in blue ink at the bottom left of the page.

Handwritten signature in blue ink at the bottom right of the page.